



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno 361. Usque Ad Annum 395

**Fleury, Claude**

**August. Vind. [u.a.], 1758**

**VD18 90117786**

§. 11. S. Basilius Presbyter Ancyranus &c.

---

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

purpuram, & vanos sermones risit; alter Sæculum IV.  
 toto corpore dilaceratus, cum jam jam A. C. 362.  
 ultimum vitæ halitum traheret, crus  
 unum illæsum tortori ostendit, increpans,  
 quod huic corporis sui parti pepercisset.  
 Tandem ambo flammis, & bestiis expo-  
 siti unacum Matre sua, & urbis Episco-  
 po Martyrium consummarunt.

## §. XI.

*S. Basilius Presbyter Ancyranus. &c.*

Julianus Pessinunte regressus est Ancy- Amm. ibid.  
 ram, Galatiæ Metropolim, ubi Presby- Sozom. V.  
 ter erat, eodem quo Episcopus nomine c. 2. Act.  
 Basilius, at fidei sinceritate longe diver- Sinc. pag.  
 sus, nam, regnante Constantio, semper, 650.  
 & viriliter Arianis restitit, hinc Eudoxius,  
 & alii ejusdem factionis in Concilio Con-  
 stantinopolitano prohibuerunt, ne Con-  
 gregationibus Ecclesiasticis præesset. Ubi  
 Julianus Imperium obtinuit, Basilius Pres-  
 byter per totam urbem pergebat, Chri-  
 stianos exhortans; constantes essent, nec  
 se sacrificiis, & libationibus infidelium  
 macularent. Tantus Religionis fervor  
 invisum Paganis reddidit; cumque una  
 die Ancyranos publice Idolis sacrificare  
 videret, substitit, & ducto ingenti suspi-  
 rio, Deum rogabat, ne quis Christiano-  
 rum tam immane piaculum admitteret.  
 Tunc vero comprehenditur, ad Præsidem,  
 nomine Saturninum, ducitur, seditionis



Sæculum IV. accusatur, quod etiam altaria everterit,  
A. C. 362. & convicia in Imperatorem dixerit. Præ-  
 fes interrogatum, cum firmus in fide per-  
 sisteret, equuleo suspendi, atque ita tor-  
 queri imperat, ut lictores fatigarentur;  
 quo facto, eum misit in carcerem.

*Theod. III.* Saturninus hac de re scripsit ad Impe-  
*c. 12.* ratorem, qui necdum Ancyram pervene-  
 rat, is Comitem Elpidium præmisit, qui  
 ut placeret Cæsari, Christum negaverat,  
 & Pegasus pariter apostatam; hi quo-  
 que, quia Basilii constantiam labefactare  
 non potuerunt, rursus ut Præses quæstio-  
 nem, & tormenta renovaret, jusserunt.  
 Haud multo post Juliano Ancyram adve-  
 nienti, Sacrificuli obviam processere, He-  
 cates Idolum portantes; ubi Palatium in-  
 gressus est Julianus, iisdem convocatis  
 pecunias distribuit. Posteriori die Elpi-  
 dius Imperatori, ad spectacula affidenti,  
 de Basilio retulit, qui finitis spectaculis  
 Theatro exiens mandavit eum in Pala-  
 tium adduci; is ubi in conspectu fuit, Ju-  
 liano apostasiæ perfidiam exprobravit,  
 prædixitque, Jesum Christum eum brevi  
 tempore Imperio privaturum. Cui Ju-  
 lianus: *vocari te jusseram animo tibi par-  
 cendi, & fecissem, nisi intolerabilis impu-  
 dentia, qua spernis mea consilia, & con-  
 vicia in faciem ingeris, cogerent, ut pa-  
 nas exposcam.* Tum Comiti, cui nomen  
 Frumentinus, relicta cura eum pro lu-  
 bitu



bitu torquendi, ipse Antiochiam iter pro-  
secutus est. Comes frustra rursus ten-  
tata Basiliæ constantia, tamdiu torqueri  
iussit, donec in tormentis exspiraret 28  
Junii, anno 362. Alii quoque tres Mar-  
tyres Ancyrae sub Juliano Melasippus, An-  
tonius, & Carina, passi fuisse leguntur.

Sæculum IV.  
A. C. 362.

Martyr.  
7. Nov.

Pall. Laus.  
113.

Soz. V. 11.

Philoromus etiam patria Galata in  
conspectu Juliani Jesum Christum con-  
fessus est, quem, quod intrepide loque-  
retur, Tyrannus, abrasa prius barba, pue-  
ris tradidit, colaphis cædendum; Philo-  
romus gratias Juliano egit, & ex tunc  
mundo valedicens, vitamque asceticam  
amplexus, adeo virtutis fama inclaruit,  
ut viris etiam nobilissimis in honore es-  
set, quamvis conditionis servilis, & ma-  
tre serva natus. In Presbyterum crea-  
tus, ultra annum ætatis suæ octogesimum  
vixit. Præter hos Busiris hæreticus ex  
Encratistarum secta, seu abstinentium,  
comprehensus est, quod verosimiliter  
post Juliani abitum factum; accusabatur,  
quod conviciatus esset Gentiles, eumque  
Prætor in publicum produci, & equuleo  
suspendi iussit; Busiris, levatis supra ca-  
put manibus, ut latera paterent ad Præ-  
torem ait: *Quid necesse fuit, ut mini-  
stris tuis molestiam faceres, jubesque me  
suspendi, atque iterum solvi, in hoc situ  
corporis elevatis brachiis, quamdiu tibi  
placuerit, persistam;* miratus est Prætor

C 5 hoc



Sæculum IV. hoc promittentem, & multo magis promissum servantem, quippe Busiris, elevatis brachiis, immotus stetit, dum ferreis uncis discerperetur, tamdiu, quamdiu Prætor voluit. In carcerem deinde missus, ut de Juliani morte nuntiatum est, liberatur; abjurata hæresi ad Ecclesiæ Catholicæ sinum rediit, & usque ad Theodosii tempora vixit.

## §. XII.

*Martyres in Cappadocia.*

*Soz. V. c. 4.*  
*Greg. Naz. or. 3. p. 91.*  
*or. 19. p. 303.*  
*Soz. 16.*

**E**x Galatia Julianus perrexit in Cappadociam, ubi etiam quosdam Martyrium passos, præsertim Cæsareæ, illius Provinciæ Metropoli, legimus. Oderat hanc urbem Julianus, quod ferme tota Christianam fidem suscepisset. A multo jam tempore templa Jovis, & Apollinis, quos veteres incolæ civitatis tutelares Deos habuerant; solo fuerant æquata; unum Fortunæ sacrum supererat, quod Christiani novissime, regnante jam Juliano, prostraverant; hujus facti poenas a tota civitate expoposcit; eam ex civitatum ordine delevit, quamvis Provinciæ caput fuisset, voluitque, ut antiquissimo nomine Mazaca diceretur, illo Cæsareæ, quod ei Imperator Tiberius imposuerat, abolito. Paganorum ignaviam vituperabat, quod, quamvis modico essent numero, non vitæ potius periculum subire voluis-

*Euf. Chron. lat. an. 7.*  
*Tiber.*